

Der Rosntål Express

M:Traditional T:Herbert Leitner/Thomas Goschat

Westlich von da HTL, geht a Schienenstrång
die Schienan san vabogen und rostig wås i waß schon lång
von fern ertönt a Pfeifen, a zwagestrichnes Es,
dås is dås Asthmaschnauerl vom Rosntål Express

Ja der Zug der håt, des is ka Witz, an Touch von Westernflair
Man nennt ihn nur den Blauen Blitz, zagt gern den Fåhrschein her
A jedes Schulkind kennt ihn, schreibt ihn mit Doppel-s
Die gånze Welt is neidig aufn Rosntål Express

Sågn's hearn Sie a des Tschinkl, des Rattern und des Knårn
Wånn Ihre Plombm locker san dånns sitzns håt nit vorn
Da Bodn is stöllnweis luckert, drum hutschn's nit zum Fleiss
da Letzte der wås g'hutscht håt, is gepeppelt aufn Gleis

Auf jeda klanen Steigung fährt dir a Trakor vur
Es überholt a Rollstuhl, a Ochsngspånn, a Kua
Jå Reisen ist erholsåm, gånz ohne Zwång und Stress
Sitzt du in so an Wagerl, vom Rosntål Express

Tschuk-tschuk-tschuk, legt's zua noch a Schaufl
Tschuk-tschuk-tschuk, sunst kum i net afe
Uuuuh, I'm Rosntål bound
I wear mi miassn a bisserl z'såmmanreiss'n
wal sunst hau'ns mi zum ålten Eisen
tschuck-tschuk-tschuk-tschuk, train she goes

Neben mir då steht da Schaffner, an Obstler in da Hånd
und auf da Höh von Ludmannsdorf san mir längst bluatsverwåndt
er sågt i kriag sei Tochter, Rosi, kugelrund und fesch
und 50% Ermåssigung am Rosntål Express

Hiatz håb i g'heart sie wolln die Schienan åbmontieren
Mir scheint de håbm an Spal von so an Schwella in ihm Hirn
Ans is klår wånn's wår is, das dånns ana sich vergisst
Der Ane bin dånns i, wal i wer dånns Aktivist

Dånns schnapp i ma mein Wålkman, an Railroadsound im Ohr
Schleich durch die Feldhofgåssn, pirsch mi zum Bahngleis vor
Und wånn da erste Bautrupps kummt, schrei i es Tockern es
Ihr riaht's mir då ka Schraufn ån, vom Rosntål Express.

Tschuk-tschuk-tschuk, legt's zua noch a Schaufl
Tschuk-tschuk-tschuk, sunst kum i net afe
Uuuuh, I'm Rosntål bound
I wear mi miassn a bisserl z'såmmanreiss'n
wal sunst hau'ns mi zum ålten Eisen
tschuck-tschuk-tschuk-tschuk, train she goes

Und wånn sie dås nit aufhåltat, dånns hau i mi auf's Gleis
und kett' mich bei den Schienan ån, wal i mi då nix scheiss
Und wånn des a nix hölfn tuat, dånns geht es hårt auf hårt
dånns sing ich diesen Railroad Song, dass' die gånze Welt erfåhrt

...und dås Liad geht so...

Listen to the jingle, the rumble and the roar
riding through Carinthia, down the waters of the Drau
It' the worlds most magic wonder, and no antiquated mess
Jesus Christ have Mercy on the Rosental Express
Såg hearst du a wia's tschinkelt, wia's rumpelt und wia's knårzt
wenn du durch's scheene Rosntål der Drau entgegenfåhrt
die Welt kennt viele Wunder, und unsares is des
da Herrgott håt a Aug auf unsern Rosntål Express